

سدوه نبق طرفندن هجوم ایدن دشمن عسکری خوبیا راغا (نام دیگر مدرسه) محله سنده اسلامدن نیجه سنی شهید ایدوب بواننده اوراده اون قدر خانه دخی یانمشدر .

دشمن عسکری عرب طایبه سنی ضبطنده بقیه سی اولان عسکری وطوپلری اوراده کی قیو بدنندن کچوروب قلمه بدنی ایچروسنده کی تپه نك زروهنه جمع و درون قلمه یه سوق ایله قلمه نك بالجله طایبه لرینی ضبط ایدهرک یاقوواج طایبه سنی آوستریا باندیره سنی وضع ایلدی .

غردون قیالغنك هومقا تپه سنی قارشو واقع محله اهل قیامك ایتدکلی جنکسده دوشمانك قوه کلیه سنی وغور یچه تپه سندن بورایه طوغری آتلقده اولان طوپلر دانه لرینه مجاهدین اسلام تاب آور مقاومت اوله میوب او جوارده کی بوداقوویچ محله سنی چکلدکرنده دوشمان سولدا تلی آنلری تعقیب و محله آراسنده وقوعبولان جنکده مسلمانلردن یکریمی قدری شهید اولوب مشهوریندن شوغولزاده حاجی محمد آغا و حمدوویک سلیمان آغا و سونکولر ایله بربروویچ صالح آغا ایله زوجه سنی دخی شهید ایتدیلر . بوراده اتنای حربده یکریمیدن زیاده خانه و بوجواره یقین بارداقچیلر محله سنده برقاچ شهید و اون قدر خانه یانمشدر . شهرک جنوب طرفنده واقع صاوق بوکار موقعنده برقاچ شهید ایله اوچ خانه ویشچی وودا موقعنده عربان دده نك تربیه سی احراق اولنمشدر .

برایقوواجده مشهوریندن صاریچ حاجی صالح افندی وینه جنوب طرفنده واقع نشان نام محله تفشکچی منلا آغا اوچ اوغلی ایله شهید اولدیلر .

جنرال فیلیپوویچ چنغیک ویلادن غوریچه بایرنده بولنان مجاهدین اهل قیامه واونرک اوچ طوپلرینه قارشو صحرا طوپلردن یاغور کبی یاغدر دینی کله لرینه و تپه نك ضبطیچون پیاده اوله رق سوق ایلدیکی عسکرینک هجوملرینه آرتق دایانق ممکن اوله مدیغنده مجاهدین درون شهرده کی علی پاشا محله سنی چکلدکرنده دشمن عسکری غوریچه یی ضبط واوزرینه یراشدیردکلی طوپلردن شهرک سوقاقرینه طوغری کله ر آتمه باشلادقنری واسلاملری تعقیب ایدهرک مذکور محله ده الی قدرنی وجامع مزبوریه التجا ایتش

اولان قادینلری دخی شهید ایدوب قرقدن متجاوزخانه دخی اوراده یانمشدر . مذکور غوریچه دن شهره یاغدریلان کله رک بری کالوشه (شیمدیکی فرال په نار) جاده سنده سویرزو زاده ویسل و محمد افندیلرک خانه سنک ایکی دیواری دلوب اوطلده بولنان مومی الیه محمد افندیک زوجه سی و شیمدیکی حراسنیچه زاده دوکتور خالد بکک لاب همشیره سی عاطفه خانمه اصابت ایدوب مزبوره درحال شهیداً وفات ایتمشدر .

بو حال فیج الاشمال اوکله دن اول آلافراننه ساعت اونبره قدر دوام ایدوب شهرک اطراف ثلاثه سندن آوستریا عسکری شهره کوروب سوقاقر عسکرله طولدی . و بووقنده آرتق طوب و تفنک صداسی کسیدلی . قلمه یه آوستریا باندیره سی کشیده سنده قلمه نك بدنی ایچروسنده باقیه تپه سنده مجتمع بولنان عسکرک موزیقه سی آوستریا مارشی اولان : « بوزه زیوی ناشه غ چارا ای ناش دوم » هیمه یی بیتوردکن صوکره یاقوواج طایبه سندن ۵۱ و آکا مقابل مزبور غوریچه دن ۵۰ که جمعاً یوز بر باره طوب آتیه رق بونکله اعلان مظفریت ایتدیلر .

کراراً تحقیق ایده بیلدیکم قدر سرای بوسنه شهرینک مدافعه سنده اسلامدن مع مجروحین بشیوزه قریب شهید و آوستریا عسکرنده بیک اوچیوز قدر تلفات وقوعبولمشدر . آوستریا عسکری شهرک قلمه و اطرافنده کی مدافعه مواضعده یکریمی دی طوبی بولوب ضبط ایتمشدر .

اوکون اوکله دن صوکره تقریباً آلافراننا ساعت درتده جنرال فیلیپوویچ یکریمی قدر اتباعیله اسب سوار اولدینی حالده و اوکنده الی قدر مزراقلی سواری عسکری مزراقرنده یاریم مترولق بایراقلریله مذکور کالوشه جاده سندن کچوب طوغریچه حکومت قوناغنه داخل و پروقلاماچی کاغدلریله اعلانات ورقه لری سوقاق کوشه لرینه یا پیشدیریله رق مآلنده : هرکس اسلحه نك بالذات و یا مختارلری واسطه سیله قتله میداننه کتورمترینی تنیه و مؤخرأ محله بمحله تفتیش ایده جک اولان ضابطان عسکریه و نفرات هرکیمده سلاح و جیجانه بولنورایسه اعدامه محکوم اوله جقدو . بومک اوزرینه هرکس سلاح و جیجانه یی کتورمه باشلادی .